



Rafael Monn, Rueras

* 14-02-1989 † 02-05-2006

Il proverbi di:

*Ils vegls ston murir
ils giuvens san murir*

Bia memia giuvens e schi cars ha quella sort tuccau Tei car Rafael il mardis, ils dus da matg 2006. Sin via spel plazzal Neat has Ti giu in accident cun Tiu «Töff». La collisiun cun in auter vehichel ei stada vehementa e Tias blessuras fetg grevas. Tut agid medicinal ei staus vans. El spital cantunal a Cuera ha gl'aunghel dalla mort priu Tei la sera en siu reginavel.

Tristezia nundescrivibla per Tiu car bab Christian, Tia sora Ornella e frar David. Consternaziun per tuts parents, giumentetgna e populaziun tujetschina.

Naschius ei Rafael ils 14 da fevrer 1989 sco tierz affon ord la lètg da Renata e Christian Monn-Loretz. Tia affonza ei stada biala el ravugl da Tes geniturs, sora e frar. Gia da buobet eras Ti bein sur sesez e savevas sestellegiar bein e vegnevas bein a frida cun Tes problems e fastedis. Tia demanonza era adina curteseivla e cun in surrir tiel salid fagevas plascher al concarstgaun. Engrazievladad muncava era buc. Sin Tiu plaz da lavur en Casa s. Martin a Trun tuts che havevan bugen Tei. Ils dis libers passentavas Ti a Rueras tiel bab. Tuts amitgs ed amitgas stevan bugen cun Tei en cumpignia. Siemis da viagiar ed emprender d'enconuscher il mund fussen stai preferi. Igl a New York has astgau guder.

Ella cuorta veta da 17 onns hai era dau a Ti parts umbrivaunas. La mort da Tia cara mumma Renata avon treis onns, Tia consolara Ladina han plagau Tiu cor. Cun curascha has saviu seconsolar ed acceptar la greva sort. Persuenter astgan Tias restonzas terrestras ruassar en pasch en fossa cun Tia carezada mumma sin santeri da s. Vigeli a Sedrun. La famiglia Monn- Loretz e parents lessel consolar culs plaids: Il Segner ha dau, il Segner ha priu, il num dil Segner seigi benedius.

Car Rafael

Nus tuts engraziein a Ti per tut il bien e lein tener Tei en buna memoria. Il Tutpussent vegli regalar la pasch celestiala. Stai bein e rauissa en pasch.

Pally Vinzens